

Headline	Sampaikan maklumat HIV AIDS kepada remaja		
MediaTitle	Berita Harian		
Date	10 Dec 2014	Color	Full Color
Section	Supplement	Circulation	314,000
Page No	13	Readership	942,000
Language	Malay	ArticleSize	329 cm ²
Journalist	N/A	AdValue	RM 11,341
Frequency	Daily	PR Value	RM 34,023



Sampaikan maklumat HIV/AIDS kepada remaja

Kumpulan Bertindak dan Penyelidikan AIDS (AARG) Pusat Pengajian Sains Kemasyarakatan (PPSK) Universiti Sains Malaysia (USM) mendakwa, penyakit HIV/AIDS kini cepat menular dalam kalangan remaja.

Timbalan Presiden Majlis AIDS Malaysia, Prof Dr Ismail Baba, berkata sehubungan itu, AARG berperanan mendidik orang ramai supaya didedahkan dengan kemahiran asas yang berkaitan isu HIV/AIDS.

"Maklumat sebegini perlu disampaikan supaya dapat mendidik orang ramai, khususnya remaja untuk mengamalkan gaya hidup sihat dan menjauhkan diri daripada tingkah laku yang berisiko menyebabkan penularan HIV/AIDS.

"Selaras dengan usaha kerajaan iaitu *Getting to Zero* bagi wabak HIV/AIDS, semua agensi mempunyai tanggungjawab untuk menyumbang bagi keberhasilan perkara ini," katanya ketika berucap pada program Simposium Remaja

dan HIV/AIDS di Kompleks Cahaya, USM, di Pulau Pinang, baru-baru ini.

Yang turut hadir ialah Prof Madya Dr Azlinda Azman dan Dekan PPSK USM, Dr Nor Malina Malek.

Pupuk beri sokongan

Lebih 100 peserta menghadiri program berkenaan yang diadakan bersempena ulang tahun ke-20 AARG itu yang bertujuan memberi pemahaman mengenai isu, permasalahan, rawatan dan pencegahan berkaitan penyakit HIV/AIDS.

Sementara itu, Nor Malina berkata, di samping meningkatkan kesedaran dalam kalangan masyarakat, sikap memberi sokongan juga perlu dipupuk.

Beliau berkata, setiap mangsa HIV/AIDS memerlukan motivasi dan tidak dibebani dengan stigma serta diskriminasi masyarakat sekeliling.

Katanya, usaha itu dapat membantu mengurangkan halangan bagi penghidap HIV/AIDS mendapatkan rawatan yang sewajarnya.



Sebahagian peserta yang hadir pada program **Simposium Remaja dan HIV/AIDS di Kompleks Cahaya, USM, baru-baru ini.**